

29. septemperi 2016

UKA2016/133

Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr. xx, xx 2016-imeersoq (Atuuffia aamma ilinniakkat allat, nalunaarusiortarnek il.il.)

(Inuusutissarsiortermet, Suliffeqarnermet Niuernermut Nunanullu Allanut Naalakkersuisoq)

Kalaallit nunaannut suliffissarsiortut killilersimaarnissaat pillugu inatsisartut inatsisaata allanngortinneqarnissaanik siunnersuut saqqummiussa qqaaseqarfigissavarput.

Maani tamatta nunami innuttaasugut kissaatigaarput sulisussarsiortarnermi tamatigut maani nunaqavissut tiguneqartassasut, ukiorpassuit avataaniit sulisussanik tikerartitsigatta tamanna ileqqussaannartut atulersimavarput, naak ilisimagaluarlugu maani nunaqavissut amerlasuut suliffissaaleqigaluartut, atornagillu tamannalu akuersaaginnartut illugu ingerlanerput unittariaqalerpoq.

Siunnersuumi anguniagaq tassalu ilaatigut isumaginninnikkut sullissisut tassani killiliinermi peerneqassasut, tassalu avataaniit tikerartitsineq sulii ammanerulissasoq takusinnaavarput.

Nunatsinni meeqqanik inuusuttunillu sumiginnaanerput annertooujussuummat, kiisalu kinguaassiutitigut meeqqanut atornerluinerit annertuallaarujussuuartut nassuerutigissavarput tamannalu ataatsimoorullugu akiortuartariaqarparput meeqqammi inuunermut taamak artornartigisumut pineqartarnerat ajorluinnartoq ataatsimoorullugu akiortariaqalermat.

Ajorinngilarput sulisussanik pisariaqartunik tikerartitsigutta. Kisianniliuna aamma una apeqqusertarippit, avataaniit isumaginninnikkut tikisitagut ilumut tamakkiisumik sunniuteqartarnerisut, Tassami ilisimavarput inuiattut kinaassuserput, kulturerput, oqaatsigullu assigiinngilluinnartut, taava ilumut sukumiisumik ajornartorsiutitsinnik ikiortarpaatiguut. Apeqqut. Tassami sulissagunik, ajornartorsiutillu aaqqissagunikkit maani inuunermik pissutsinillu paasisimasaqartariaqavimmata suliarlorlutimmi maaniimmata.

Isumaginninnikkut ajornartorsiutit aaqqinneqassappata taava pingaartorujussuuvoq maani nunaqavissut amerlanerpaat sulisoralugit aaqqinniarnissat ingerlattariaqartut. Kinaassuserput ilisimalluarpaat ikiorsiisinaanerallu annertunerujussuusoq ilimagilluinnarput tassami oqaatsigut atorlugit sulissapput tamannalu sullinneqartunut iluaqutaanerussasoq takusinnaavarput.

Taamaattumik nunaqavissut amerlanerusut isumaginninnikkut sulisortaarissagutsigit taava pisariaqarpoq aamma atugassarititaasunik naleqqusnaanissarput, aammalu aningaasarsiat eqqarsaatigalugit, allat oqarsinnaasariaqaraluarpuqut tikisitanut atugassarititaasut naligalugit aamma taakku pineqartariaqartut inissaqarnissaat ilanngullugu aqqittarlugit.

Kiisalu ilaatigut akuersissummik pissarsinngikkaluarlutik niuernermut suliallit takornariartitsinermut angallassisartut qaammatit pingasut nunatsinni sulisinnaammata akuersissummik peqaanngikkaluarlutik. Isumaqaarpugut pissutsit tamakku imaaliinnarlugit akuerineqartariaqanngitsut, tassami maani inuusuttut aamma angallassisinaanerart annertusaraanni pitsaanerujussuussamat.

Nunatsinni ilaatigut ajornartorsiutaavoq atorfiit eqqarsaatigalugit ilaatigut inornartunik tunngavilersorlugit piunasaqaatitaqartarnek. Tassa nunaqavissut inorsillugit ilaatigut tunngavissaqanngivissunik. Aammalu inuttassarsiussinerit amerlasuut naammattoortarpagut inissaqartitaanngitsut aammalu nuunnermut angalanermullu akiliunneqarsinnaanngitsut.

Akerlianillu avataaniit suliaartortunik tikisitsiniarutta taava suna tamaat aaqittarparput angalanerit pisattanik nuussinerit inissaqarnerillu ingerlaannartumik aaqinneqartarput.

Taamaattumik kalaallit nunaannut suliffissarsiortut sukkannersumik nakkutilliinikkut ingerlatsiffigisariaqarpagut. Tassami ileqqorput kusananngilaq, maani nunaqavissut atornagit allanik atuinarniarnerput assersuutigalugu, umiarsuit inuttaat, kilisaatini aqummiut, naalakkat, aquttut kilisaatinilu qaavani sulisut kalaallit sippullit pigaagut, taamaakkaluartoq atorumaneqanngillat. allamiut suliffeqarfiutitta atorusunneruaat, tamannalu ajorluinnarpoq. Tamassumalu kingunerisarpaa aningaasarpasuit suliffissallu avammut anissuinnarnekarneri.

Taamatut oqaaseqarluta isummersoreerlutalu akuersaarsinnaanerput killeqaraluartoq sulisussat isumaginninnikkut sulisussanik tikerartitsisinnaaneq akuersaarlugu oqaatigissavarput, Kisianni kissaatigissavarput isumaginninnermi sulisussat amerlasuut ilinniartinneqarnissat Naalakkersuisunik piaartumik ilungersuunneqassasoq kissaatigigipput.

Hans Enoksen